

Edificio cu a educa hopi persona den nos comunidad ta birando un ruina



ORANJESTAD – Ta tristo pa mira con J.F. Kennedy School a decai y ta manera un ruina. Un school cu a educa masha hopi persona riba nos isla, awor ta un mahos bista no solamente pa comunidad sino tambe e turistanan cu ta bishita nos isla y ta mira un edificio bandona cu nomber di un presidente di Merca.

Un joya di edificio, awor aki ta bayendo perdi. Por a scucha un cantidad di rumor,

entre otro cu warda di Polis lo muda pa e edificio aki pero nada a keda concretisa. Awor por mira cu patras di e edificio tin trabounan di construccion ta tumando lugar.

Den e edificio ainda tin un cantidad di banki, porta y bentanan tur destrui. Mientras cu tin necesidad di school pa educa nos muchanan, un joya di edificio ta birando un ruina.

